

DS

735

T55

1870


V.3



THE NEW YORK  
PUBLIC LIBRARY  
ASTOR LENOX TILDEN FOUNDATION  
100 N. 4TH ST. NEW YORK

C. H. M.







百將圖傳下目錄

楊素

岐亭攻柵

韓擒虎

威臨突厥

史萬歲

單騎賭勝

長孫晟

一箭雙雕

沈光

援竿繫索

柴紹

對開幕府

尉遲恭

殿前奪稍

薛仁貴

天山三箭

郭子儀

免胄見酋

李光弼

策降二將

白孝德 登隄斬將

南霽雲 射蒿辨賊

雷萬春 雍邱固守

韓游瓌 火焚攻具

崔甯 寶輿迎捷

李嗣業 袒呼決陣

馬燧 披心示賊

渾瑊 隧陷雲梁

李晟 錦裘督戰

李愬 囊鞬謁道

石雄 穴城出擊

柴再用 林中奪馬

周德威 鎚中夜叉

王彥章 棘林赤腳

曹彬 焚香禁殺

曹瑋 邀客按邊

狄青 微服度關

楊延昭 注水冰城

宗澤 單騎赴州

岳飛 水戰楊么

韓世忠 桴鼓助戰

楊存中 任城血戰

劉錡

渦口占風

吳玠

黃柑遺敵

吳璘

新立壘陣

曲端

點軍縱鴿

王德

入府縛酋

畢再遇

建旗駭敵

李寶

酌酒止風

魏勝

據關飲宴

伯顏

迴軍斬將

史弼

里門舉獅

徐達

伏階稱罪

常遇春 超登采石

李文忠 麾退女樂

傅友德 一鼓奪山

沐英 白石濟師

沈希儀 立斬三酋

俞大猷 樓船擊倭

戚繼光 陣演鴛鴦

秦良玉 平臺賜綵

趙鼎  
真

岐 冊

亭 致



楊素隋

楊素字處道。弘農華陰人也。隋高祖圖江表。拜素信州總管。爲行軍元帥。乃造大艦名曰五牙。上起樓五層。高百餘丈。容戰士八百人。旗幟羅列於上。水軍乘下。舳艫蔽江。旗甲耀日。素坐大船。容貌雄偉。陳人望之。懼曰。清河公卽江神也。陳內史呂仲肅屯岐亭。正據江峽。鑿巖綴鐵鎖三條。橫絕上流。以遏戰船。素與大將劉仁恩。登陸俱發。先攻其柵。仲肅軍夜潰。素乃徐去其鎖。仲肅復據荆門之延洲。素遣巴蜚卒千人。乘五牙四艘。以柏檣碎賊十餘艦。遂大破之。仲肅僅以身免。

漢王諒反。素率眾討諒。諒柵絕徑路。屯據高壁。布陣五

十里。素令諸將以兵臨之。自引奇兵潛入霍山緣崖谷而進。直指其營。一戰破之。殺傷甚眾。遂進逼并州。諒窮蹙出降。餘黨悉平。

威臨天



韓擒虎

隋

韓擒虎字子通。河南東垣人也。開皇初。隋高祖大舉伐陳。以擒虎爲先鋒。擒虎率五百人宵濟。襲采石。守者皆醉。擒虎遂取之。進攻姑孰。半日而拔。次於新林。陳人大駭。擒虎以精騎五百直入朱雀門。陳人散走。遂平金陵。執陳叔寶。先是江東有謠歌曰。黃班青驄馬。發自壽陽。淝來時。冬氣未去。日春風始。皆不知所謂。擒虎平陳之際。乘青驄馬往返。時節與歌相應。至是方悟。突厥來朝。高祖謂之曰。汝聞江南有陳國天子乎。對曰。聞之。上命左右引突厥詣擒虎前。曰。此是孰得陳國天子者。擒虎厲然顧之。突厥惶懼。不敢仰視。無何其隣母。

見擒虎門下儀衛甚盛。有同王者。異而問之。其人曰。我來迎王。忽然不見。又有人疾篤。忽驚走至擒虎家。曰。欲謁王。左右問曰。何王。答曰。閻羅王子。弟欲撻之。擒虎止之。曰。生爲上柱國。死作閻羅王。斯亦足矣。寢疾數日而卒。

單騎賭勝



三  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

史萬歲

隋

史萬歲京兆杜陵人也。少英武，善騎射。從梁士彥擊尉遲迥。軍次馮翊，見羣雁飛來，謂士彥曰：「請射行中第三者。」應弦而落。及與尉遲迥遇，每戰先登。竇榮定之擊突厥也，萬歲詣軍門請自効。榮定素聞其名，見而大悅，因遣人謂突厥曰：「士卒何罪？過令殺之。但當各選壯士決勝負耳。」突厥許諾。因遣一騎挑戰，榮定遣萬歲出應之。萬歲馳斬其首而還。突厥大驚，不敢復戰，引軍遁去。高智慧等作亂，萬歲率眾二千自東陽別道而進，踰嶺越海，攻陷溪洞，不可勝數。前後七百餘戰，轉鬪千餘里，寂無聲聞者十旬。遠近皆以爲沒。萬歲以信使不通，乃

置書竹筒。浮之於水。汲者得之。始得耗。其事。高祖嗟  
嘆。賜其家錢十萬。還拜左領軍將軍。

南甯夷爨翫復叛。命萬歲率眾擊之。賊屯要害。皆被擊  
破。進拔其三十餘部。諸夷大懼。遣使請降。萬歲臨陣對  
敵。應變無窮。當時號爲良將。

一箭雙鵰



長孫晟

隋

長孫晟字季晟善彈射。趨捷過人。年十八仕周爲司衛上士。突厥攝圖請婚。周以趙王女妻之。妙選驍勇充使。因遣晟副宇文神慶送千金公主至其牙。前後使人數十。攝圖獨愛晟。每共游獵。嘗有二雕飛而爭肉。因以兩箭與晟。晟馳往遇雕相攫。一發雙貫焉。

晟說突厥染干南徙。居度斤舊鎮。雍閭疾之。亟來抄略。大戰於大長城下。染干敗。與晟獨以五騎逼夜南走。至旦行百餘里。收得數百騎。乃謀投突厥。晟知懷貳。密遣使入伏遠鎮。遽舉四烽。染干問晟城上烽然何也。晟給之曰。我國家法。若賊少舉二烽。來多舉三烽。大逼則舉

四烽耳。染干大懼。謂其眾曰。追兵已逼。且可投城。旣入。鎮戍留其達官執寶。領其眾。自將染干馳驛入朝。帝大喜。進戍左勳衛驃騎將軍。持節護突厥。

隋文帝賜彌豆啟人可汗射於武安殿。選善射者十二人。分爲兩朋。啟人曰。臣由長孫大使得見天子。願入其朋。帝許之。給箭六發。皆入鹿。啟人之朋竟勝。時有鳶羣飛上。顧戍曰。公善彈。爲我取之。十發皆應。丸而落。

援竿繫索



名  
佛  
傳  
一  
卷  
之  
一

ナ

沈光 隋

沈光字總持。吳興人也。少驍捷。善戲馬。爲天下最初建禪定寺。其中幡竿高十餘丈。適遇繩絕。非人力所及。諸僧患之。光見而謂僧曰。可持繩來。當相爲上耳。諸僧驚喜。因與之。先以口銜索。拍竿而上。直至龍頭繫繩畢。手足皆放。透空而下。以掌拒地。倒行數十步。觀者駭悅。莫不嗟異。時人號爲肉飛仙。

大業中。煬帝徵天下驍果之士。光預焉。從攻遼東。以衝梯擊城。竿長十五丈。光升其端。臨城與賊短兵接。殺十數人。賊競擊之而墜。未及於地。適遇竿有垂絙。光接而復上。帝見壯異之。卽日拜朝請大夫。賜寶刀良馬。

Blank manuscript page with vertical lines and faint bleed-through text.

對府

開

幕



柴紹唐

柴紹字嗣昌。晉州臨汾人。幼趨悍。有武力。以任俠聞。補隋太子千牛備身。高祖妻以平陽公主。將起兵。紹走開道迎謁。時太子建成。齊王元吉亦自河東往。遇諸塗。建成曰。追書急。恐吏逮捕。請依劇賊。冀自全。紹曰。不可。賊知君唐公子。必執以爲功。徒死爾。不如疾走太原。旣入崔鼠谷。聞義兵起。謂紹有謀。乃相賀。授右領軍大都督府長史。領殷騎發晉陽。先抵霍邑城下。覘形勢。還白宋老生。一夫敵我兵。到必出戰。可虜也。大師至。老生果出。紹力戰有功。從下臨汾絳郡。隋將桑顯和來戰。紹引軍繚其背。與史大奈合攻之。顯和敗。遂平京師。進右光祿

大夫封臨汾郡公。高祖卽位，拜左翊衛大將軍，累從征計，以多進封霍國公。遷右驍衛大將軍，吐谷渾黨項寇邊，敕紹討之。虜據高射，紹軍雨矢，士失色。紹安坐遣人彈胡琵琶，使二女子舞，虜疑之，休射觀。紹伺其懈，以精騎從後掩擊，大潰，斬首五百級。貞觀二年，平梁師都，轉左衛大將軍，出爲華州刺史，加鎮軍大將軍。徙譙國，旣病，太宗親問之，卒。贈荊州都督，諡曰襄。

初，高祖兵興，主居長安。紹曰：「尊公將以兵清京師，我欲往，恐不能偕，奈何？」主曰：「公行矣，我自爲計。」紹詭道走并州，主奔鄆，發家貲招數百人。應帝因略地，盤屋武功，始平下之，乃申法誓，眾禁剽奪，遠近咸附，勒兵七萬，威振

關中帝度河紹以數百騎竝南山來迎主引精兵萬人與秦王會渭北紹及主對置幕府分定京師號娘子軍帝卽位以功給賚不涯武德六年薨葬加前後部羽葆鼓吹大路麾幢虎賁甲卒班劍太常議婦人葬古無鼓吹帝不從曰鼓吹軍樂也往者主身執金鼓參佐命於古有邪宜用之



殿前奪  
稍



尉遲恭

唐

尉遲敬德名恭以字行朔州善陽人初從宋金剛後與尋相降秦王及尋相叛諸將疑恭且亂秦王曰不然恭如叛甯後尋相耶因釋之引見卧內曰丈夫意氣相許小嫌不足置胸中我終不以讒害良士因賜之金曰必欲去以爲汝資是日卽獵榆巢王世充自將數萬來戰其驍將單雄信直趨秦王王危甚恭躍馬大呼橫刺雄信墜馬乃翼王出率兵還戰遂大敗之王顧曰眾皆疑公叛我獨信無他何相報之速耶隱太子嘗以書招恭金皿一車恭辭曰秦王實生之方以身殉恩今於殿下無功其敢當賜若私許則懷二心徇利棄忠殿下亦焉

用之哉。太子怒而止。恭告秦王。王曰。公心如山岳。雖積金至斗。豈能移之。然恐非自安計。巢王果遣壯士刺之。恭開門安卧。賊至不敢入。因譖於高祖。將殺之。秦王固爭得免。恭善避稍。每單騎入賊。雖羣刺之。不能傷。又能奪取賊稍。還刺之。齊王元吉使去刃與之校。恭請王加刃而獨去之。卒不能中。帝嘗問奪稍與避稍孰難。對曰。奪稍難。試使與齊王戲。王三失稍。遂乃大服。

天箭

山

三



薛仁貴

唐

薛仁貴。絳州龍門人。少貧賤。將改葬其先。其妻曰。夫有高世之才。要須遇時。乃發。今天子自征遼東。求猛將。此難得之時。盍圖功名。以自顯。富貴還鄉。葬未晚。乃往應募。王師攻安市城。高麗莫離支率兵二十萬拒戰。太宗命諸將分擊之。仁貴恃驍悍。欲立奇功。乃著白衣。自標顯。持戟腰鞬。兩弓呼而馳。所向披靡。軍乘之。賊遂奔潰。帝望見。遣使馳問先鋒白衣者誰。曰。薛仁貴。帝召見。嗟異。賜金帛。人馬甚眾。師還。帝謂曰。朕舊將皆老。欲擢驍勇付闡外事。莫如卿者。遷右領軍中郎將。鄭仁泰爲鐵勒道行軍總管。詔仁貴往副之。將行。賜宴。

內殿帝曰古善射有穿七札者卿以五甲射焉仁貴一發洞貫帝大驚更取堅甲賜之時九姓眾十餘萬令驍騎數十人來挑戰仁貴發三矢輒殺三人於是虜氣懾皆降仁貴慮爲後患悉坑之以歸軍中歌曰將軍三箭定天山壯士長歌入漢關九姓遂衰

免酉

宵見



郭子儀

唐

郭子儀字子儀。華州鄭人。長七尺二寸。以武舉異等補左衛長史。累功至中書令。帝詔大舉九節度師討安慶緒。子儀自杏園濟河。圍衛州。慶緒分其眾爲三軍。將戰。子儀選善射三千士伏壁內。誡曰。須吾却。賊必乘壘。若等譟而射。旣戰。僞遁。賊薄營。伏發。注射如雨。賊震駭。王師整而奮。斬首四萬級。獲鎧冑數十萬。執安慶和。收衛州。

永泰元年。僕固懷恩糾合吐蕃回紇黨項羌渾奴刺等三十萬眾掠涇邠。躡鳳翔。入醴泉。奉天。京師大震。於是天子自將屯苑中。急召子儀屯涇陽。軍纔萬人。比到虜

騎圍已合。乃使李國臣高昇魏楚王陳回光朱元琮各當一面。身自率鎧騎二千出入陣中。回紇怪問是誰。報曰。郭令公。驚曰。令公存乎。懷恩言天可汗棄天下。令公卽世。中國無主。故我從以來。公今存。天可汗存乎。報曰。天子萬壽。回紇悟曰。彼欺我乎。子儀使諭虜曰。昔回紇涉萬里。戡大憝。助復二京。我與若等休戚同之。今乃棄舊好。助叛臣。一何愚也。彼背主棄親。於回紇何有。回紇曰。本謂公云亡。不然。何以至此。今誠存。我得見乎。子儀將出。左右諫戎狄野心不可信。子儀曰。虜眾數十倍。今力不敵。吾將示以至誠。左右請以騎五百從。又不聽。卽傳呼曰。令公來。虜皆持滿待。子儀以數十騎出。免胄見。

其大酋曰。諸君同艱難久矣。何忽亡忠誼而至是耶。回紇捨兵下馬拜曰。果吾父也。子儀卽召與飲。遺錦綵結。歡誓好如初。因曰。吐蕃本吾舅甥國。無負而來棄親也。馬牛被數百里。公等若倒戈乘之。若俛取一芥。是謂天賜不可失。且逐戎得利。與我繼好。不兩善乎。會懷恩暴死。羣虜無所統一。遂許諾。吐蕃疑之。夜引去。子儀遣將白元光合回紇眾追躡。大軍繼之。破吐蕃十萬於靈臺西原。斬級五萬。俘萬人。盡得所掠士女牛羊馬橐駝。不勝計。

卷之三

策將降二



李光弼

唐

李光弼。營州柳城人。沉果有大略。安祿山反。郭子儀薦其能。加河北採訪使。至德二載。史思明。蔡希德率眾十萬攻光弼。時銳兵悉赴朔方。而麾下士卒不滿萬眾。議培城以守。光弼曰。城環四十里。賊至治之。徒疲吾人。乃撤民屋爲櫺石車。車二百人挽之。石所及輒數十人死。賊傷十二。思明爲飛樓。障以木幔。築土山臨城。光弼遣兵穴地頽之。思明宴城下。倡優居臺上。慚辱天子。光弼遣人隧地擒取之。思明大駭。徙牙幔遠去。軍中皆視地後行。又潛溝營地。將沉其軍。乃佯約降。至期以甲士守陴。遣裨校出若送款者。思明大悅。俄而賊數千沒於塹。

城上鼓噪突騎出乘之俘斬萬計。思明引去。光弼移軍河陽。賊帥周摯與安太清合兵二萬攻之。光弼執大旗令眾曰。望吾旗麾若緩可觀便宜。若三麾至地。諸軍畢入。生死以之。退者斬。旣而馮瑑望陣。廷玉軍不能前。趨左右取其首來。廷玉曰。馬中矢非却也。乃易壯馬。有裨將援矛刺賊洞馬腹。又有不戰而却者。光弼召援矛者賜絹五百疋。不戰者斬。光弼麾旗三。諸軍爭擊。賊眾奔敗。擒周摯。太清逸。襲懷州守之。光弼圍懷州。思明來救。聲言渡河絕餉路。光弼壁野水渡。旣夕還軍。留將雍希顥守。戒之曰。賊將高暉李日越萬人敵也。賊必使劫我。爾留此。賊至勿與戰。若降與偕來。左右竊怪語無倫。是

日思明果召日越曰。光弼野次。爾以鐵騎五百夜取之。不然無歸。日越至壘。使人問曰。太尉在乎。曰去矣。兵幾何。曰千人。將爲誰。曰雍希顥。日越謂其下曰。我受命在光弼。今獲希顥。歸不免死。遂請降。希顥與俱至。光弼厚待之。表授金吾大將軍。高暉聞之亦降。或曰公降二將何易也。光弼曰。思明再敗。恨不得野戰。聞我野次。彼固易之。命將來襲。必許以死。希顥無名。不足以爲功。日越懼死。不降何待。高暉才出。日越之右降者見遇。貳者得不思奮乎。諸將皆服。光弼治軍嚴重。謀定後戰。能以少制眾。與郭子儀齊名。卒年五十七。諡武穆。

卷之四  
百子圖傳  
百子圖傳  
百子圖傳

登陴斬將



白孝德唐

白孝德安西人事李光弼爲偏裨史思明攻河陽使驍將劉龍仙以騎五千挑戰加右足馬鬣上嫚罵光弼光弼登城顧諸將曰孰能取是賊僕固懷恩請行光弼曰是非大將所宜左右以孝德對召問所須幾兵對曰願出五十騎見可而進大軍鼓譟以張吾氣足矣光弼撫其背遣之孝德擁二矛策馬絕河半濟懷恩賀曰事克矣其攬轡便辟可萬全者龍仙見易之不爲動將至若引避然孝德搖手止之曰侍中使致辭無它與語頃之瞋目曰賊識我乎我白孝德也龍仙罵之乃躍馬前搏城上因大譟五十騎繼進龍仙環隄走追斬其首以還

後累功至北庭行營節度使。徙邠甯。僕固懷恩引吐蕃兵入寇。孝德擊敗之。永泰初。吐蕃回紇圍涇陽。郭子儀說回紇約盟。吐蕃退走。子儀使渾瑊以兵五千出奉天。命孝德應之。大戰赤沙烽。斬獲甚眾。累封昌化郡王。厯太子少傅。建中元年卒。贈太保。

射賊

蒿

辨



八十二

三

南霽雲 唐

南霽雲。魏州頓邱人。少微賤。爲人操舟。祿山反。鉅野尉張沼起兵討賊。拔以爲將。尙衡擊汴州賊李廷望。以爲先鋒。遣至睢陽。與張巡計事。退謂人曰。張公開心待人。眞吾所事也。遂留巡所。霽雲善騎射。見賊百步內。乃發。無不應弦斃。慶緒將尹子琦圍睢陽。巡欲射子琦。莫能辨。因剡蒿爲矢。中者喜。謂巡矢盡。走白子琦。得其狀。使霽雲射。一發中左目。

白米圖傳

守雍邱固



雷萬春

唐

雷萬春者不詳其所來。事張巡爲偏將。令狐潮圍雍邱。萬春立城上與潮語。伏弩發六矢著面。萬春不動。潮疑刻木人。謀得其實。乃大驚。遙謂巡曰。向見雷將軍。知君之令嚴矣。

是

火

楚

走

火 具  
焚 政



韓游瓌

唐

韓游瓌靈州靈武人。始爲郭子儀裨將。累進鄉甯節度使。奉天之狩。兵未集。游瓌與慶州刺史論惟明以兵三千來赴。自乾陵北趨醴泉。未至。有詔引軍屯便橋。次泥泉。與朱泚兵值。游瓌欲還奉天。監軍崔文秀曰。吾壁於此。賊敢踰我而西。可夾攻取之。今入奉天。賊亦隨至。是引賊近天子也。游瓌曰。不然。我寡賊眾。彼能分以亢我。餘眾猶能鼓而西也。不如先入衛天子。且奉天無強卒。安能夾攻。吾士乏且寒。賊以利誘之。眾且潰。遂還奉天。泚兵躡攻之。游瓌殊死戰。乃解。泚大治戰棚。雲橋。士皆懼。游瓌曰。賊取佛祠乾木爲攻具。可以火之。旣而賊大

謀攻南雉游瓌曰是分吾力也趨北雉遣將以銳士三百傳滿直出火其棚投薪於中風返棚皆燼賊氣沮諸將推游瓌赴難功第一李懷光叛誘游瓌爲變游瓌白發其書帝曰卿可謂忠義矣懷光走蒲州游瓌屯七盤受李晟節度與渾瑊分阨京西要險京師平遷檢校尚書左僕射懷光寇同州游瓌率兵敗賊於屯遂會渾瑊馬燧圍蒲城懷光見勢單蹙乃縊死

捷寶興迎



崔甯唐

崔甯本貝州安平人。後徙衛州。以步卒事鮮于仲通。累功爲刺史。嚴武爲劔南節度。吐蕃引雜羌寇西山。破柘靜等州。武遣甯將而西。旣薄城。賊皆累石城下。不得攻。惟東南不合者丈餘。謀知之。乃爲地道。再宿而拔。振地數百里。虜衆驚。相謂曰。甯神兵也。及還。武大悅。裝七寶輦。迎入成都。以夸於軍。

縣志

陣祖呼決

陣祖呼決 李嗣業

三



李嗣業唐

李嗣業京兆高陵人。長七尺。膂力絕眾。應募安西軍中。初用陌刀。而嗣業尤善。高仙芝討勃律。署嗣業及中郎將田珍爲左右陌刀將。時吐蕃兵十萬屯娑勒城。據山瀕水。聯木作郛。以扼王師。仙芝潛軍濟信圖河。令曰。及午破賊。不者皆死。嗣業提步士升山。頽石四面以擊賊。又樹大旗。先走險。諸將從之。虜不虞。卒至。因大潰。投崖谷死者十八。鼓而驅至勃律。禽其主。平之。授右威衛將軍。

安祿山反。肅宗追之。詔至。卽引道。與諸將割臂盟曰。所過郡縣。秋毫無可犯。至鳳翔。上謁。帝喜曰。今日卿至。賢

於數萬眾事之濟否。固在卿輩。廣平王收長安。嗣業統前軍。陣於香積祠北。賊酋李歸仁擁精騎薄戰。王師注矢逐之。走未及營。賊大出掩追騎。還蹂王師。於是亂不能陣。嗣業謂子儀曰。今日當蹈萬死取一生。卽袒持長刀大呼出陣前。殺數十人。陣復整。步卒二千以陌刀長柯斧堵進。所向無前。歸仁匿兵營左。覘軍勢。王分回紇銳兵擊其伏。嗣業出賊背合攻之。自日中至昃。斬首六萬級。填澗壑死幾半。賊東去。遂平長安。

賊被

心

示



馬燧唐

馬燧字洵美。汝州郟城人。姿度魁傑。長六尺二寸。與諸兄學。輟策歎曰。方今天下有事。丈夫當以功濟四海。詎老一儒哉。更學兵書戰策。沈勇多算。實應中。澤潞節度使李抱玉署爲趙城尉。時回紇還國。恃功恣睢。所過皆剽傷。州縣供餼不稱。輒殺人。抱玉將饋勞。賓介無敢往。燧自請典辦具。乃先賂其酋。與約得其旗章爲信。犯令者得殺之。燧又取死囚給役左右。小違令輒戮死。虜大駭。至出境無敢暴者。抱玉才之。

李懷光反河中。詔燧爲河東行營副元帥。與渾瑊駱元光合兵討之。賊將徐廷光守長春宮城。燧度長春不下。

則懷光固守久攻所傷必眾。乃挺身至城下見廷光。廷光憚燧威拜城上。燧顧其心已屈。徐曰。我自朝廷來。可西嚮受命。廷光再拜。燧曰。公等朔方士自祿山以來。功高天下。奈何棄之爲族滅計。若從吾言。非止免禍富貴。可遂也。未對。燧曰。爾以吾爲欺耶。今不遠數步。可射我。披而示之心。廷光感泣。一軍皆流涕。卽率眾降。燧以數騎入其城。眾大呼曰。吾等更爲王人矣。渾瑊歎曰。嘗疑馬公能窘田悅。今觀其制敵。固有過人者。吾不逮遠矣。燧兵濟河。賊將牛名俊斬懷光降。河中平。

梁 隧 陷 雲



渾城唐

渾城本鐵勒九姓之渾部也。城年十一，善騎射，隨父釋之防秋朔方。節度使張齊丘戲曰：「與乳媼俱來耶？」是歲立跳盪功。後二年，從破賀魯部，拔石堡城、龍駒島。其勇常冠軍。大曆七年，吐蕃盜塞深入，城會涇原節度使馬璘討之。次黃菩原，城引眾據險，設槍壘，自營遏賊奔突。舊將史抗等內輕城，顧左右去槍叱騎馳賊。既還，虜躡而入，遂大敗。子儀召諸將曰：「朔方軍高天下，今敗於虜，奈何？」城曰：「願再戰。」乃馳朝那，與鹽州刺史李國臣趨秦原，吐蕃引去。城邀擊破之，悉奪所掠而還。

帝狩奉天，城率家人子弟以從。朱泚兵薄城，矢石四集。

晝夜不息。城中死者可藉。人心危惴。帝與賊相泣。泚方據乾陵下。瞰城造雲梁。廣數十丈。施大輪。濡氈及革。冒之。周布水囊爲鄣。指城東北。周置木廬。運薪土將塞隍。賊與防賊使仲莊。揣雲梁所道。掘大隧。積馬矢及薪。然之。賊乘風推梁以進。載數千人。王師乘城者皆凍餒。甲弊。兵監賊但以忠義感率。使當賊人。憂不支。羣臣號天以禱。城中矢自握去。被血而戰愈厲。雲梁及隧而陷。風返。悉焚賊皆死。舉城歡譟。會李懷光奔難。賊乃去。

錦  
戰  
來  
督



李晟唐

李晟。洮州臨漳人。年十八。事河西王忠嗣。從擊吐蕃。悍酋乘城殺傷士卒甚眾。忠嗣怒。募善射者。晟挾一矢殪之。三軍譁奮。忠嗣撫其背曰。萬人敵也。大歷初。吐蕃寇靈州。李抱玉表晟爲右將軍。授以兵五千。擊之。晟辭曰。以眾則不足以謀。則多。乃請千人。由大震關趨臨洮。屠定泰堡。執其帥慕容谷鍾敵。乃解。

李懷光方軍咸陽。不欲晟當一面。請與晟合。有詔徙屯。與懷光聯壘。晟每與賊戰。必錦裘繡帽。自表指顧陣前。懷光望見異之。戒曰。將務持重。豈宜自表爲賊餌哉。晟曰。昔在涇原。士頗畏伏。欲令見之。奪其心耳。

朱泚反。帝欲西幸。晟請駐梁漢以繫天下望。邏士得姚令言。崔宣謀者。晟命釋縛飯飲之。遣還。敕曰。爲我謝令言等。善爲賊守。勿不忠於泚。引兵叩都門。明日會諸將圖所向。眾對先拔外城。然後清宮。晟曰。外城有里閭之隘。若設伏格戰。居人囂潰。非計也。賊重兵精甲皆在苑中。今直擊之。是披其心腹。將圖走不暇。諸將曰。善。乃自東渭橋進薄都城。賊將張庭芝等求戰。晟曰。賊不出。是吾憂也。今冒死來。是天誘之矣。遂勒兵急擊。大破之。泚率殘卒萬人西走。餘黨悉降。

秦韃道



李愬唐

李愬字允直。晟之子。有算略。善騎射。憲宗討吳元。濟命愬爲唐鄧節度使。愬以軍初傷夷。士氣未完。乃不爲斥候部伍。或有言者。愬曰。吾不使賊震而備。乃令於軍曰。天子知愬能忍。故委以撫養。戰非吾事也。眾信而安之。蔡人以愬非夙所畏。遂易之。愬務推誠待士。賊來降輒聽其便。或父母與孤未葬者。給衣帛遣還。且勞之曰。爾亦王人也。無棄親戚。眾願爲愬死。故山川險易與賊情僞。一一皆曉之。居半載。知士可用。乃請濟師。詔益河中。鄜坊二千騎。於是繕鎧厲兵。攻馬鞍山。下之。進軍青陵。擒剽將丁士良。異其才。不殺。表爲捉生將。士良謝曰。吳

秀琳以數千兵不可破者。以陳克治爲之謀也。我能爲公取之。乃擒以獻。吳秀琳降。愬單騎抵柵下。與語親釋。縛表以爲將。秀琳與愬策曰。必欲破賊。非李祐無與成功。祐賊之健將也。守興橋柵。其戰嘗輕易官軍。愬謀祐護穫於野。因遣史用誠以壯騎三百伏其傍。乃見羸卒若將燔聚者。祐果輕出。用誠擒而還。諸將素苦祐。請殺之。愬不聽。以爲客待閒。召祐及李忠義。屏人語至夜分。忠義亦賊將軍。中多諫此二人不可近。會雨自五月至七月不止。軍中以爲不殺祐之罰。將吏嘩然。愬力難獨完。則械而送之。朝表言必殺祐。無與其誅。蔡者詔釋。以還。愬愬乃令佩刀以出入帳中。表爲六院兵馬使。六院

者隋唐兵也。凡三千人。皆山南奇材銳士。祐捧檄鳴咽。諸將乃不敢言。始定襲蔡之謀。李光顏戰數勝。元濟悉銳卒屯洞曲。以抗光顏。愬知其隙可乘。乃遣從事鄭解見裴度。告師期。師夜起。祐爲前鋒。李忠義副之。愬率中軍繼進。會大雪。凜風裂膚。士抱戈凍死於道。十二三始發。吏請所向。愬曰。入蔡州取吳元濟。皆失色。監軍使者泣曰。果落祐計。然業從愬。人人不敢自爲計。愬分輕兵斷橋以絕洞曲道。又以兵絕郾山道。行七十里。夜半至懸瓠城。雪甚。城旁皆鵝鳴池。愬令擊之以亂軍聲。賊晏然無知者。祐等坎墉先登。殺門者。開關。留持柝傳夜。自如黎明。雪止。愬入。駐元濟外宅。元濟請罪。檻送京師。乃

屯兵鞠場以俟裴度至。愬以橐韃見度。將避之。愬曰。此方廢。上下分久矣。請因示之。度以宰相禮受。愬謁蔡人

聳觀

擊穴城出



石雄唐

石雄徐州牙校也。勇敢善戰。氣凌三軍。會昌三年。迴鶻大掠雲朔北邊。牙於五原劉汚以太原之師屯於雲州。國家以公主之故。不欲急攻。雄受汚教。自選勁騎得沙陁李國昌三部落兼雜虜三千騎。月暗夜發馬邑。徑取烏介之牙。時虜帳逼振武。雄旣入城。登堞見氍毹車數十。從者皆衣朱碧。類華人服飾。雄令堞者訊之。知爲公主帳。雄乃大率城內牛馬雜畜及大鼓。夜穴城爲十餘門。遲明城上立旗帳。炬火燭天。鼓譟動地。可汗惶駭莫測。率騎而奔。雄率勁騎追至殺於山。急擊之。斬首萬級。生擒五千羊馬車帳皆委之而去。遂迎公主還太原。

雄沈勇徇義臨財廉每破賊立功朝廷特有賜與皆不  
入私室置於軍門首取一分餘並分給以此軍士感義  
皆知奮發

林  
中  
集  
馬

白將國書下  
柴雨用

四三



柴再用 五代

柴再用。蔡州汝南人。性至孝。七歲遇龐勛亂。舉族避地。祖訓鼓不能去。惟再用獨留侍。賊見而去之。及長。沈毅有斷。面黑如鐵。人號爲柴黑子。會秦宗權召募驍勇。再用以騎射應選。時軍令亡馬者斬。一日戰回。藉韁而臥。寢旣寤。而馬逸。再用追之。遇賊於林中。環樹而射。一發人樹俱貫。遂奪馬而歸。

楊渥襲位。授淮南左廂步軍都指揮使。越人寇東洲。遣再用率兵禦之。賜長稍伍拾戰敗。艦破水滿。再用爲長稍所泛。得不溺。家人聞敗。飯千僧爲禱。再用戰歸。取其飯召麾下以犒之。曰。此輩濟我。佛何力之有。

十一年袁州劉崇景叛引潭將許真爲援令再用攻之。近城有萬勝岡再用欲奪之。每旦出師岡下不與戰。袁人頗怠。一日列大陣岡南崇景望之氣奪因出戰再用躍馬徑入陣中斬首數十袁人大敗崇景棄城而遁累遷德勝軍節度使加中書令太和七年卒年七十二再用寬厚淹雅有儒者之風好讀左氏春秋史官王振請述戰功以補方冊再用曰鷹犬之效出自偶然何足紀也累歷藩鎮敦尚儉素車馬導從不過十人亦一時之良將也。

又鎚

中

野



周德威 五代

周德威字鎮遠朔州馬邑人。勇而多智能。望塵知敵情。事晉爲招討使。小字陽五。勇聞天下。梁軍圍晉太原。令軍中曰。能生得周陽五者。爲刺史。有驍將陳章者。號陳野義。常乘白馬。披朱甲。以自異。出入陣中。求周陽五。欲生致之。晉王戒德威曰。陳野義欲得汝。以求刺史。宜善備之。德威笑曰。陳章好大言耳。安知刺史非臣作耶。因戒其部兵曰。見白馬朱甲者。當佯走以避之。兩軍皆陣。德威微服雜卒伍中。章出挑戰。兵始交。德威部下見白馬朱甲者。因退走。章果奮稍急。追之。德威伺章已過。揮鐵鎚擊之。中章墮馬。遂生擒之。

天祐中梁遣王景仁將兵擊趙。趙人告急。莊宗自將出。贊皇會德威於石橋。進距柏鄉。時梁兵精銳。人馬鎧甲。飾以組繡金銀。其光耀日。晉軍望之色動。德威勉之曰。此汴宋傭販兒。徒飾於外。其中不足懼也。其一甲值數十千。擒之適足爲吾資。無徒望而愛之。當勉而往取之。退告莊宗曰。梁軍甚銳。未可與爭。宜少退以待之。莊宗曰。吾提孤軍出千里。利速戰。今不乘勢急擊之。使敵知吾之眾寡。則吾無所施也。德威曰。不然。趙人能守城。而不能野戰。吾之騎利於平州廣野。今軍河上。追賊營門。非用長之地。使梁得舟楫渡河。吾無類矣。不如退軍鄆邑。誘敵出營。擾而勞之。可以勝也。監軍張承業亦以德

威之言爲是。適援梁游兵。言景仁治舟數百。將爲浮梁。莊宗乃笑而從之。退軍鄆邑。德威進兵。叩梁營挑戰。景仁悉兵與德威轉戰於鄆南。兩軍皆陣。莊宗望而喜曰。平原淺草。可前可却。真吾之勝地。卽欲進兵。德威諫曰。梁兵輕出而遠來。與晉轉戰。必不暇齎糗。縱其能齎。亦不暇食。不及日午。人馬皆飢。因其將退而擊之。未有不勝者。諸將皆以爲然。至未申時。梁軍塵起。德威鼓譟而進。麾其軍曰。梁軍走矣。梁軍旣動。不可復整。乃皆走。遂大敗之。自鄆退至柏鄉。橫屍數十里。景仁僅以身免。



棘林赤  
腳



王彥章 五代

王彥章字子明。鄆州壽昌縣人也。從太祖征討。所至有功。常持鐵槍。衝堅陷陣。人號王鐵槍。梁自失。魏博與晉夾河而軍。晉已盡有河北。乃以鐵鎖斷德勝口。築河南北爲兩城。號夾寨。梁人大恐。宰相敬翔見末帝曰。事急矣。非王彥章不可。帝乃召彥章爲招討使。帝問破敵之期。彥章以三日對。左右皆失笑。彥章出。兩日馳至滑州。置酒大會。陰使人具舟於楊村。命甲士六百人皆持巨斧。載石者具韞炭。乘流而下。彥章會飲。酒半佯起更衣。遂引精兵數千沿河以趨德勝。舟兵舉鎖燒斷之。因以巨斧斬斷浮橋。彥章引兵擊南城。破之。適三日焉。時晉

莊宗在魏。以朱守殷守夾寨。聞彥章爲招討。驚曰。彥章驍勇。吾嘗避其鋒。非守殷敵也。然彥章兵少。利於速戰。必急攻我南城。卽馳騎救之。行二十里。得報曰。彥章兵已至。比至而南城破矣。彥章之應募也。同時有數百人。而彥章營求爲長。眾怒曰。彥章何人。一旦自草野中出。便欲居我輩上。是不自量之甚也。彥章聞之。乃對主將指數百人曰。我天與壯氣。自度汝等不及。故求作長耳。汝等咄咄。得非勝負將分之際耶。且大凡健兒開口便言死。死則未暇。且其汝輩赤脚入棘針地。走三五遭。汝等能乎。初以爲戲。而彥章果然。眾皆失色。無敢效之者。太祖聞之。以爲神人。遽擢用之。彥章嘗謂人曰。李亞子。

鬪雞小兒何足畏。後以傷重馬踣爲晉將夏魯奇所擒。莊宗見彥章謂之曰。爾常以孺子待我。今日服未。又曰。我素聞爾善將。何不保守兗州。此邑素無城壘。何以自固。彥章對曰。大事已去。非我智力所及。莊宗惻然。親賜藥以封其創。欲全活之。令中使慰諭。彥章謝曰。豹死留皮。人死留名。臣與陛下血戰十餘年。今兵敗力窮。不死何待。豈有爲臣爲將朝事梁而暮事晉乎。得死幸矣。遂遇害。年六十一。

卷之五  
五

殺焚  
香  
禁



曹彬

宋

曹彬字國華。真定靈奇人也。宋乾德二年冬，詔伐蜀。以劉光毅爲前軍，彬爲都監。峽中郡縣悉下，諸將咸欲屠城以逞其欲。彬獨申令戢下，所至悅服。上聞，降詔褒之。全斌等晝夜宴飲，不恤軍士。諸將多取子女玉帛。彬橐中圖書衣衾而已。及還，上盡得其狀，以全斌等屬吏詔彬清介廉謹，授宣徽南院使、義成軍節度使。

開寶七年，將伐江南。彬奉詔先赴荆南，發戰艦田荆南順流而東，破峽口砦，進克池州，連克當塗、蕪湖二縣，駐軍采石磯。十一月，作浮橋跨大江，以濟師。八年二月，師進次秦淮。江南水陸十餘萬陣於城下。吳人出兵來禦。

破之。自三月至八月。又連破之。樵採路絕。城垂克。彬忽稱疾不視事。諸將皆來問疾。彬曰。予之疾非藥石所能愈。惟須諸公誓以仁克城之日。不妄殺一人。則自愈矣。諸將許諾。共焚香爲誓。明日卽愈。又明日城陷。李煜面縛就彬請命。彬謂之曰。國主可歸宮。厚有裝蓄。以備歸朝。煜深德之。諸將爭言不可。蓋懼其或自引決爾。彬徐曰。無畏。彼若能死。則豈復忍恥以見吾輩耶。果如其言。眾皆服其識量。



